

明

史

明史卷三百二十一

列傳一百七十二

劉綎

鄧子龍

李應祥

陳璘

馬孔英

吳廣

童元鎮

劉綎南昌人都督顯子勇敢有父風用厯為指揮使
萬曆初從顯討九絲蠻先登却賊勇冠諸軍遷雲南
迤東守備改南京小教場坐營十年冬緬甸犯永昌
騰越巡撫劉世曾請濟師明年閏二月擢綎游擊將
軍署騰衝守備事緬甸去雲南故遠自其酋莽瑞體
以兵威服屬諸番其勢遂彊屢侵擾邊境有岳鳳者

祖父江西撫州人商於隴川鳳驍桀多智技宣撫多
士寧為記室士寧妻以妹鳳媚士寧而奪之權與三
宣六慰諸酋深相結遂軟血謀叛誘士寧往見瑞體
潛與子曩烏醜殺之并殺其妻子奪其金牌印符受
瑞體偽命代士寧為宣撫瑞體死于應裡嗣鳳父子
誘官軍敗之獻士寧母胡氏及族黨六百餘人於應
裡盡殺之初與木邦酋罕拔同謀逆後譖而置之死
結耿馬賊罕虔南甸山今刀落參芒市土舍放正堂
協心助逆應裡乃令從父猛別弟阿瓦與鳳虔落參
正堂等各率象兵數十萬分道內侵攻甯美盡達干

崖南旬木邦老姚思旬諸起後掠軍民不可勝計窺
騰越永昌大理蒙化景東鎮沅元江諸郡所在震驚
已陷順寧破孟達掠男女八百人又令叢烏引緬兵
突犯猛淋指揮吳繼勳等戰死鄧州土官知州何鉉
鳳僚壻也使招之鳳繫獻應裡當是時車里八百孟
養木邦孟艮猛密蠻莫皆助戰且以兵賦故賊勢益
盛黔國公沐昌祚聞警移駐洱海巡撫世魯亦移楚
雄大徵漢土軍得數萬人令參政趙睿壁蒙化副使
胡心得壁騰衝陸通霄壁趙州僉事楊際熙壁永昌
與監軍副使傅寵姜忻督叅將胡大賓等分道進擊

連戰于盤達隴川南甸猛淋要陽夾象石諸處並有
斬獲其他大小獲十餘戰積首功千六百有奇猛別
刀落參並授首已而鄧子龍至擊斬罕皮于姚關賊
益奪氣其年七月應裡趣鳳進兵束寇姚關北據勝
甸芒市鈺復開示百方與之盟誓會緝亦至軍軍聲
益振鳳懼乃遣使來見繼遣兄子亨赴永昌謁監軍
並厚賚遣還緝復使使諭以禍福十上月鳳果令妻
子及部曲九十餘人來降緝責令獻還金牌印符及
蠻莫猛密地方許自新而亦送鳳妻子還隴川為名
分兵急趨沙木籠山諸處據險立營而已馳無隴川

近境鳳慶四面皆兵欲逃無所明年正月朔遂躬時
軍門降綏受之復分兵追緝緬將散奪先已乘叢通
留少兵守龍川綏進攻之曩烏亦降緬兵悉就縛乃
携鳳父子往攻蠻莫蠻莫賊知鳳已降馳報應裡將
大發兵再圍龍川綏乘勝長驅掩賊不備賊倉皇敗
奔官軍追入賊砦賊窘甚乞降綏要以五事遂縛緬
人及象馬來獻蠻莫平遂招撫孟養賊將聞之乘象
走官軍追獲之復移師圍孟臉生擒其魁雲南平獻
俘於朝帝為告謝郊廟受百官賀內閣中時行以下
悉進官廕予綏亦進副總兵予世廕鈺賜白金二千

乃改孟密安撫司為宣撫增設安撫二曰蠻莫曰耿
馬長官司二曰猛賧曰猛養千戶所二一居姚關一
居猛淋皆名之曰鎮安而緄以副總兵署臨元泰將
移鎮蠻莫初鳳之降本用計誘致而巡撫世曾稱為
陣擒遂行獻俘禮叙功及于閣部論者哂之未幾緬
人復大舉寇孟密孟密戰敗賊遂進圍五章杞搃高
國春聞警急提兵赴援屢戰破之賊乃遁去是後也
國春提卒五百人破賊滋萬解五章圍窮追旬日連
摧六營為西南戰功第一捷聞國春進官世廕副千
戶緄亦獲優叙先是蠻莫設安撫以土官思順有功

特授之緹納其重賄又緹部將謝世祿等淫其妻珠
思順大怨緹將家子有父顯故時部曲多健兒緹擁
以自雄征緬之役勦兵金沙江築將臺于王驤故址
招徠諸蠻廓清遠徼威名甚盛然性貪鄙下無法兵
還至騰衝背甲而操以將校賸餉為詞焚民居百七
十家城中大擾緹在蠻莫聞之馳至騰衝以五百人
自衛亂卒不敢動亦不肯還伍緹出公私財犒之始
定還至蠻莫思順恐禍及遂叛歸莽苗詔革緹任以
游擊候調無何而羅雄之變起羅雄者曲靖屬州也
者氏世為知州嘉靖時者濟嗣職見營長妻美殺而

奪之生子繼榮年十四卽持刀逐殺溶溶大驚欲刃之以母故不忍錮之別室後年老無他子乃釋繼榮俾襲職繼榮既得州卽逐溶溶訴之上官俾迎溶歸歸卽囚之如曩日囚已狀并囚其嫡母陸氏而逼燕父妾有沙氏者不從自縊死溶復遣使訴上官繼榮殺之中道會有征緬之役徵繼榮兵將行慮留溶爲後患遂弑之時寤蓋土知州安世以卒妻安素儀典州事亦提兵赴調繼榮見素儀大悅遂與合營而淫之聞越州土舍海現有寡媳資氏美強與之通知州越應奎怒謀殺之繼榮脫走自以不容於衆且恃有

異相遂懷不執志妖僧王道張道見而大驚謂總榮
必奇貴奉以為主日夜用符術鍊丁甲煽聚徒黨歸
者日衆獨外弟隆有義不從總榮乃築寨赤龍山山
廣六十里建龍樓鳳閣環以堅城其下有龍潭九口
甚險隘盡質部將妻子於其中而已曉夜為淫樂十
三年冬遂分遣其黨四出攻剽廣西師定陸涼諸府
州咸被其惠於是巡撫世曾檄調漢土軍屬監司程
正誼鄭壁等分屯要害禦之會緹解官至霑益世曾
喜令與裨將劉紹桂萬葵分道進討緹引軍直搗赤
龍山拔之斬一人獲其妻妾數人招降者四十餘人

繼榮逸去移師連克三砦斬王道張道俘獲男婦千
餘人招降者倍之追亡至阿拜江陰有義部卒斬繼
榮首以獻招降者獲四千人賊盡平時諸將獲首功
止五十餘級而撫降者乃至萬餘人論者稱其不妄
殺云賊平世曹請築城改設流官分由靖衛軍戍之
制可乃以何倭知州事土舍者繼仁為巡檢未幾土
酋必六復聚黨反殺繼仁執倭通吏民同反諸吏民
不肯則迫使具牒上官請予冠帶上官即賜之冠帶
而令辨士數人用計誘之已而使得逸歸泰將蔡兆
吉等諸軍亦集連攻拔數砦俘斬者千人必六伏誅

餘悉撫定乃改羅雄曰羅平設千戶所曰定雄一切
制度視中土部內遂寧鑑初紙之破繼榮也有言其
私賊財物者絀其功不錄己世曾上書辨誣乃賜白
金得卽推用尋用為廣西叅將移四川二十年召授
五軍三營叅將會朝鮮用師綏請率川兵五千赴援
詔以副總兵從征至則倭已棄王京遁綏提兵趨尚
州烏嶺嶺亘七十里懸崖峭壁中通一線灌木叢雜
騎不得成列倭尚拒險而別將查大受祖承訓等由
間道踰槐山出烏嶺後倭大驚遂移駐釜山浦綏及
承訓等進屯大丘忠州而別以水兵布釜山海口朝

鮮略定未幾倭遣小西飛納款隨犯咸安晉州逼全
羅李如松急遣李平初查大受屯南原祖承訓李平
屯咸陽綏屯陝川扼之已倭果分犯諸將並有新獲
倭乃從釜山移而生浦送王子歸朝鮮而如松大軍
遂撤還止留綏及游擊吳惟思兩軍合七千六百人
分扼要害已而總督顧養謙力主盡撤惟忠及綏亦
先後還屬播酋楊應龍作亂擢綏四川總兵官金星
馳受事綏戍朝鮮二年雖無赫赫功然孤軍遠戍勞
勤甚著綏覲勦功優叙乃行賄御史宋興祖興祖以
聞法當褫奪部議功不可掩請盡革雲南所加功級

以副總兵鎮四川報可尋以應龍輸款而青海賊數
擾遣廷議特設臨洮總兵官乃移綖任之二十四年
三月酋火真昆都魯反成他卜囊等擁衆掠番潛窺
內地綖部將周國柱等率兵擊之與戰于莽刺川腦
大捷斬首百三十有奇獲馬牛雜畜以二萬計帝為
告郊廟宣捷綖等進秩予廕有差明年五月朝鮮再
用師詔綖充樂倭總兵官提督漢土兵赴討又明年
二月抵朝鮮則楊鎬李如梅諸軍已敗經畧邢玠乃
分軍為三中董一元東麻責西則綖而陳璘尙將水
軍七月綖進營水源時倭亦分三路其西路行長據

順天壕砦深固不可攻。緹欲以計誘執之。乃遣間使入倭營。請與期會。面申盟誓。行長初未信。使者三反。緹皆車騎俟道中。行長覩知之。乃信。期八月朔相與定約。至期將赴會。緹部下有洩其謀者。行長大驚。中道逸去。緹計不就。率兵進攻。失利。監軍叅政王士琦聞之。怒。傳令縛其中軍。緹懼不敢歸。督諸將力戰。破之。賊退入營。不敢復出。九月。諸將三道進師。緹遁。賊營挑戰。勝之。驅賊入大城。已賊闌平。秀吉死。將遁。歸。緹因賊詐降。夜半攻其不意。遂奪栗林。曳橋。斬獲多。石曼子引舟師來救。遇陳璘海中。邀擊。行長遂棄順。

天乘小艇遁登班師進緹都督同知世廕千戶遂移
師征楊應龍會四川總兵官萬鏊罷即以緹代之時
兵分八道而川居其四川東又分為二以秦江道最
要令緹當之其年十月緹至即部署諸將進兵應龍
常赴徵調緹才聞之頗懼乃益兵固守要害二十
八年正月諸將進攻丁山銅鼓嚴村諸砦克之二月
奉師期遂直搗楠木山羊簡臺三峒峒既絕險峻而
賊將穆煥等統衆數萬糾連為營諸將憚之緹分兵
攻其三面大戟于李漢壩賊潰敗生擒其魁餘賊奔
入峒將士乘勢追逐連克三關直抵峒前積草焚之

時風逆將兩縱下馬祈禱風即旋火入峒中賊多死
三峒盡克穆炤及賊魁吳尚華被擒納降者千餘是
日縱躬親督戰左手持賞金右手挺劍大呼曰用命
者賞不用命者誅此劍一時赴闕死者四十人遂致
克捷應龍乃遣子朝棟惟棟心腹楊珠統銳卒數萬
人由松坎魚渡羅古池三道並進縱密以萬人伏羅
古待松坎賊以萬人伏營外待魚渡賊而別以一軍
主策應三月朔賊果乘夜來衝伏兵盡起格鬪勝負
未分質明縱率部下血戰縱手舞大刀連馘數人賊
披靡斬首數百連奔五十里而還賊益奪氣聚守石

虎關緹亦虞其再至極整自守初緹聞征播之命恃
功驕恣逕過不即赴且多致難以要朝廷言官惡之
交章論列兵部議調南京右府食事至是緹聞即辭
任督府李化龍以平播非緹不可固留之而力荐于
朝緹乃接受事進兵抵夜却舊城賊于滴波三坡瓦
窑坪石虎關據險設守仰攻甚難緹督將士攻數日
盡克之又連克數大砦追亡逐北直抵婁山關而軍
婁山萬峰挿天叢菁蔽日中通一路纔數尺賊壘石
架樓設木閘十三座排柵數層復用大米橫截中為
深坑置竹簽百險俱備緹重賞鄉導分奇兵為左右

路取間道疾趨閬後而緹自以大軍攻其前是月晦
賊出閬迎戰閬上矢石如雨官軍火器齊發斃其渠
魁數人餘賊大潰官軍乘勢毀柵填塹而入遂奪其
閬連至永安莊西路軍亦來會緹老將持重慮賊衝
穴全聯絡列營一據婁山閬為老營一據白石口為
腰營一據永安莊為前營互為聲援都指揮王芬者
勇而寡謀每戰輒請為前鋒以當賊至是連戰皆捷
有輕敵心獨結營松門桓之衝離大營十里時賊方
有烏江之勝謀發兵再奪婁山適穆煜遣使懷芬孤
軍獨入狀賊害夜半以大軍襲之芬營壘未定士馬

矢擲力戰死守備陳大綱天全招討楊愈亦死焉失
亡士卒二千人緹聞急提兵往救部將周以德周敷
吉分左右夾攻賊始大奔追至養馬城而還是日應
龍親督戰幾被獲自是不敢窺姜山緹懲前失剴於
近關堅壁不動且請濟師制府屢趣踰十餘日始進
兵克復水圍營于冠子山尋會馬孔英吳廣諸軍直
逼海龍圍下竟與諸將共平賊緹之功為多初李化
龍之荐緹也言官謂緹嘗納應龍厚賄宜奪官從軍
自効兵部如其議乃謫克為事官戴罪辦賊緹德化
龍使使賁玉帶一黃金百白金千枝化龍家為化龍

父所叱援巡按御史崔景榮家亦如之後化龍景榮
並奏其事詔革緹任永不收錄後其物于官有監生
吳中彥者素無賴緹及貴州總官李遇文重貲許
入都鑽刺事竟中彥論死緹再命永錮已錄平播功
進左都督世廕指揮使三十六年雲南阿克反起緹
討賊總兵官無何賊平寢前命四十年四川建昌探
夷亂命緹為總兵官討之緹至偕叅政王之機分兵
分道督諸將進攻而已居中節制所向摧破先克桐
槽沈藻二木砦再攻阿都屢平越北諸砦復克之大
小五十戰斬賊三千三百有奇還被掠者以千計

諸探巢穴一空。綏為將數被黜，抑而性驕恣，如故嘗與馬湖知府唐淑念爭，遂奮拳毆之。事聞，淑改調。綏奪祿半年，戴罪視事。久之以軍政拾遺罷歸。四十六年，遼事起，召為左府僉書。明年二月，楊鎬四路出師，命綏由竟莫進，副使康應乾監之。別遣游擊喬一琦監朝鮮軍並進。綏鎮蜀久，好用蜀兵，至是久待未至，遂行而所分路獨險遠，重圍疊嶺，懸崖仄徑，馬不得成列。既次深河，連克牛毛馬家二砦，頗有新獲。時大清先以兵五百守董鄂路，聞綏軍至，遂戰。綏軍圍之數重，大清兵眾寡不敵，失亡二裨將及卒五十。

人餘潰圍得脫時緹深入三百里杜松軍已覆緹猶不知復整衆前進遇大清兵緹引軍登岡將布陣

大清兵亦登岡出其上而別以一軍趨緹西岡上軍自高馳下奮擊緹軍緹亦殊死戰而西來軍復從旁夾擊緹軍不能支遂潰大清兵乘勝追擊與緹後隊二營軍遇後隊軍未及布陳為大清兵所乘亦敗緹戰死養子劉招孫者最驍勇見緹死突入圍中手格殺數人亦死士卒數萬得脫者無幾時康應乾及朝鮮軍營于富察之野大清遂移師邀之忽狂風驟起揚沙石應乾等軍連發火器反擊入已營

烟塵障天竄冥晝晦營中大亂 大清兵乘勢衝擊
大破之將卒掩殺殆盡風遂息應乾僅以數百騎免
喬一琦所將軍亦為 大清兵擊破一琦走入朝鮮
營 大清兵追逼之朝鮮都元帥姜弘立副元帥金
景瑞懼率衆降一琦自縊死先是楊錫開杜松馬林
二路兵敗馳騎召縱及李如栢還騎未至縱已獲獨
如栢一軍獲全事聞神宗為遣中使存祭陣亡將士
恤縱家夫啟初贈縱少保世廕指揮僉事立祠曰表
忠

鄧子龍豐城人貌魁梧驍捷絕倫兼通翰墨嘉靖中

江西寇起掠樟樹鎮予龍應有司辟破平之累功為
廣東把總萬曆初從大帥張元勳討平巨盜賴元爵
已從平陳金鶯羅紹清賊魁黃高暉逸走予龍入山
生獲之遷銅鼓石守備尋擢署都指揮僉事掌浙江
都司廣東巡撫劉克誨追論守備時貪虐狀下御史
按問當輸贖奪職且言其智勇可用帝以予龍所犯
情輕令卻叙復會麻陽苗金道侶等作亂擢予龍叅
將討之至則大破賊徒解散其黨五開衛卒胡若虛
等素桀驁不奉法監司按部至閉城不納及火其行
署三捷守備焚其衣冠圖籍逐去之再捷遼黎平守

矣民被殺掠無算于是靖州銅鼓龍里諸苗咸響應
為亂子龍督兵討之賊據城力拒子龍火其東門以
致賊而潛兵入其北門賊遂滅十一年閏二月緬甸
犯雲南詔移子龍永昌本邦所部耿馬有奸人罕虔
與兵鳳同為逆說緬酋莽應裡舉兵內侵應裡喜即
用虔為本邦宣慰使虔于是日夜治兵竟從緬賊寇
掠干崖南甸諸處已引緬兵萬人渡查理江直犯姚
關灣甸土知州景宗真及弟宗村率兵助之遠近震
懼子龍急提兵逆擊之戰于攀枝樹下賊大敗陣斬
景真虔及其部衆以千計生獲景材虔子招罕招色

奔據三尖山。山險峻不可攻。賊自謂得天險。官兵必不能至。乃令叔父罕老率蒲人藥弩手五百阻守要害。其間道通賊巢處。惟蒲人知之。子龍計蒲人性貪。可以利誘也。密遣使啗以金帛。果盡知其處。乃命裨將鄧勇等提北勝、滾渠諸蕃兵直搗賊巢。夜手攀藤而上而預伏。兵于山後黎明。賊忽見官軍至。大驚倉皇擲木石下。擊士卒多傷。而山後軍亦掩至山前。火器競發。賊不能支。奔走墜崖。谷死者無算。生擒招罕。招邑罕老及其黨百三十餘人。斬首五百餘級。尖山巢空。乃下令招撫流移。自占復業者數千人。會劉縱

亦傳岳鳳以獻帝悅大行敘賚進于龍副總兵于世
歷無何緬賊復寇猛密大為把總高國昌所破于龍
以犄角功亦獲優叙自是蠻人先附緬賊者多來歸
附邊徵獲寧永昌騰衛風號樂土自岳罕倡亂始議
募兵所募多避方亡命乃立騰姚兩營劉綎將騰于
龍將姚兩將不相能致兩軍角鬪互有損傷中朝以
兩將方有戰功置不問既而綎罷劉天俸來代天俸
被逮遂以于龍兼統之于龍右姚兵每工作輒虐使
騰兵及用師隴川兩營兵俱在于龍故為低昂姚兵
又援主帥以凌騰騰太不堪有訛言罷于龍者騰兵

謹謀欲結隊歸副使姜忻急令他將兼轄諸軍乃定而姚營久為予龍所驕因索餉洶洶予龍欲俟騰營散盡乃給姚營衆遂奮臂大呼趨演武場張大纛殺掠居民遂由永昌大理抵會城所過剽婦女劫吏民城門盡閉已屯衆楊林與官軍相持不勝則詭降以緩師因突圍出會諸兵並集夾擊之亂卒屢敗俘獲四百餘人斬八十餘人餘釋不問亂始靖予龍坐視官下吏十八年猛養賊思箇叛箇初為緬賊所迫勢窮來歸會初設猛養長官司即以箇為長官蓋是叛緬引緬兵寇華養破孟拱其冬又破孟廣大肆焚

掠西陸震驚時于龍方對簿巡撫吳定謂破緬非于
龍不可請令立功自贖帝許之命未至定已與黔國
公沐昌祚遣將却之無何丁改十寨賊普應春霸生
等作亂焚掠遠近勢甚張定大徵漢土軍令于龍以
一軍攻其右游擊楊威以一軍攻其左兩軍剋期並
進大破之斬首一千二百俘獲倍之脅從招降者六
千六百帝為告謝郊廟宣捷受賀優于龍副總兵署
金山叅將事先是猛廣土官思仁烝其嫂甘線姑欲
得之弗克偕其黨兩測叛歸莽苗數導入寇二十年
苗果發兵攻孟養犯蠻莫土官同知思紀奔等練山

子龍急提兵擊敗之賊引去子龍尋被劾罷歸二十
七年朝鮮用師詔以故官領水軍從陳璘東征倭賊
將渡海遁璘遣子龍偕朝鮮統制使李舜臣督水軍
千人駕三巨艦為前鋒邀之釜山南海遇賊舟子龍
素慷慨好功名年踰七十意氣彌厲至是欲得首功
急携壯士二百人躍上朝鮮舟直前奮擊賊死傷無
算忽他舟擲火器誤入子龍舟火發舟中大擾賊乘
勢來擊子龍戰死舜臣赴救亦死事聞贈都督僉事
世廕一子廟祀朝鮮

李應祥湖廣九真衛人以武生從軍積功至廣西恩

恩泰將萬曆七年巡撫張任大征十寨應祥統一軍
由三里入合諸軍破平之即其地設三鎮築城列戍
應祥方有事營建會擢松潘副總兵當事者奏留之
乃以新秩滋舊任十年從總兵王尚文大破馬平賊
韋王明尋以署都督僉事入為五軍副將十二年改
南京後府僉書出為四川總兵官松茂諸番到峇四
十有八歲為吏民患王廷膳撫蜀時嘗遣副將吳子
忠擊破去骨人荒遠古三峽諸酋懼歛軍門乞降故
事諸番歲有貢賚番恃強要素無已其未堡也則有
下馬酒上馬酒解渴酒過堡酒及熱衣錢氣力錢偏

手錢諸日戍軍更番亦奉以錢曰新班錢祭梁錢放
狗錢灑草錢掛絲錢將士奉之惟謹至是廷贍一切
除之而納其降西陲稍靖僅六七年勢復猖獗是年
夏楊柳番賊出攻普安堡犯歸水崖石門坎遂擁入
金瓶堡殺守將巡撫羅遵爲應祥討之應祥提卒三
千趨入茂州克其一岩意諸番恐怖可撫定也番恃
險剽掠如故亡何遵罷宣城徐元泰來代馳檄諭之
使三反番不應窺蒲江關斷歸水崖黃牛坎道築塙
五哨隔絕東南聲援見官軍少相顧笑曰官人聲言
調兵直給我耳如此磨子兵其奈我何磨子者謂止

旋轉而數不增也既而師屢出無功賊日踞山巔設
馬索戰十一月擁衆五千人突犯平夷堡官軍與戰
却之掠良民去剽其腸統二牛角牛奔騰皆寸裂其
殘酷如此明年正月遂圍蒲江閔駕砲環擊雉堞盡
毀守將朱文達出戰斬數十人賊稍解東南路始通
元泰決計大征所調諸路兵悉集乃命游擊周于德
將播州兵為前鋒游擊達之垣將百陽兵為後拒故
總兵郭成將叙馬兵扼其吭泰將朱文達將平茶兵
擊其脇而應祥居中節制泰議王鳳監之應祥令軍
中各樹赤白幟一良民陷賊者徒手立赤幟下熟商

不附賊者徒手立白幟下即免罪先是番賊雖多遇
急不相救有國師喇麻者頗狡智聯姻青海酋丙免
勾引部落駐牧松城外者千計勢益強乃與其黨灣
仲占柯等刻木連合大小諸姓歃血誼盟共交遂合
至是軍興喇麻邀灣仲占諸酋先犯歸化以寄官軍
于德投伏誘擊生擒喇麻灣仲守備曹希彬獲桀桀
占柯賊其衆賊遂奪氣去骨人荒波古三谷番賊中
最强者于德皆攻克之復連破卜洞王諸砦大達成
之垣亦各進兵拔其數砦與于德軍合遂攻破蜈蚣
茹兒諸寨先是嘉靖初之垣祖翰以指揮討茹兒賊

被殺賊以其責人也漆其頭為飲器至是通六十年
之垣得之泣遂還葬焉賊既屢北官軍連營追之每
戰皆捷賊窘悉棄牛馬輜重餌官軍官軍不顧斬關
入賊多竄死崖下河東平尋渡河而西連破西坡西
草歪地乾溝樹底諸寨有小寨谷者實始為亂現大
軍既西不設傳郭威以銳卒夜襲之大獲牛尾砦地
尤險惡將士三路進攻火其柵斬酋合兒結父子河
西亦平諸營得所積糧粟留軍十日盡焚其砦以六
月班師其逃死窮谷者求偏頭結賽乞降應祥令埋
奴設誓而後許之埋奴者番人反接其奴獻于軍前

講天而誓即率至要路掘坎埋之而露其首是日埋者凡二十三人偏頭結賽雅善天竺僧僧曉望氣術言歲在鵠犬番當有阮偏頭信之預匿山谷中獨免於難逸賊以為神跡其所在羅拜求之故偏頭為之請是役也焚碉房千六百有奇生擒賊魁三十餘人俘馘以千餘計自是群番震驚不敢為患邊人樹碑記績焉建昌越雋諸衛番探雜居建昌逆酋曰安守曰五咱曰王大咱與越雋邛都黑骨拿並起為亂殺吏民不可勝計巡撫元泰議討之徵兵萬八千仍以文達之垣分將而應祥統之副使周光錫監其軍十

一月光錫先渡瀘則黑骨與大咱已據相嶺焚三峽
橋五咱等亦寇禮州德昌二所勢甚熾時徵兵未集
光錫先用屯守兵設疑以嘗相嶺賊賊果退據桐槽
桐槽者大咱巢穴所在也十二月諸道兵並抵越窩
應祥令文達攻五咱之垣攻大咱而姑置黑骨夷弗
問夜半發兵走三百里抵禮州陳兵于河賊半渡逆
官軍文達麾兵擊敗之遂渡河搗其巢而之垣攻桐
槽者亦屢破之大咱亡入山峪中亡何五咱據磨旂
山挑戰官軍張兩翼奮擊賊披靡退保旄牛山山延
袤六七百里連大小西番界文達兵大破之五咱西

遁與安守合結砦西谿會所徵鹽井刺馬兵三千至
其人猙獰跳躍類非人形諸番所深畏者明年正月
應祥偵知賊將刼營乃潛移已營而令刺馬兵屯其
處夜分賊果來襲刺馬起擊之伏屍狼籍諸將遂進
攻西谿賊不能守遁遁將士窮追直抵摩步七板菴
連兵以圍五哨而別令裨將田中糾率兵營于麥達
通安守會謀者報守謀襲中糾應祥夜召材官高達
勝飲以三巨觥令率敢死士三百銜枚間道疾趨七
十里抵麥達而伏其夕賊果至伏兵倏起格鬪賊大
敗生擒守守為群寇巨魁守殲則西南之邛笮宜簡

靡莫諸酋無不震怖于是商山四堡之西番乞降于
之垣大小七板之西番乞降于文達各埋奴道左呼
號頓首誓世世不敢叛二將乃許之而五咱勢窮復
走昌州亦為裨將王言所獲土目安四兒者身居建
昌城中潛剽掠于外至是知禍及率黨數百人走據
虛郎濟自固諸軍既滅五咱應祥遣之北行亦將討
黑骨者四兒遂弛傳將士忽還軍襲之賊大敗追獲
四兒子西番復整軍討大咱初大咱兵敗遁匿所親
普雄酋長姑咱所姑咱見大軍臨境俱密告于裨將
王之翰之翰就峒穴搜得之而黑夷酋長阿弓等七大

酋先已為之輸伏兵大孤山擒致麾下于是建昌越
萬諸番盡平上首功二千有奇撫降者三千餘人時
萬曆十五年七月也邛部屬夷有賊乃者地近馬湖
其酋撒假與外兄安興木瓜夷白祿甯坡賊楊九乍
等數侵掠內地先嘗議征之會有都蠻之役不果乃
建六堡益戍卒千二百人而諸酋鴟張如故及建越
師興又藏納叛人元泰乃令都指揮李猷忠等率兵
分勦賊詐降誘執猷忠等三將殺士卒數千人勢益
猖獗至是應祥等師旋元泰益微播州西陽諸土兵
合五萬人合應祥督文達之垣及周于德諸將分三

道入故總兵郭成亦從征十一月于德首敗白祿兵
進至馬蝗山山勢險峻賊木石交下將士攀藤懸索
而登賊奔潰乘勢進攻木瓜夷白祿以千人來戰射
殺之進至利濟山雪深數尺于德身先士卒互登其
巔賊復大敗燬其巢先是撒假與楊九乍率衆萬人
據山接戰播州兵擊敗之賊走至是文達復破之大
田壩合于德軍進亡遂北所向克捷游擊萬鏊躡擊
撒假于鼠囤獲其妻子郭成復進至三寶山大戰生
擒撒假安興勢窮據巢固守文達鑿分道直入獲其
母妻安興擲金于途以緩追者遂得脫已諸軍窮追

深入竟獲之他夷探畏威降者二千餘人悉獻還土
田願修職貢兵乃罷凡斬首一千八百俘獲七百五
十有奇以其地置屏山縣論功應祥累加都督同知
元泰亦至兵部尚書當是時蜀中劇寇盡平應祥威
名甚著其明年御史傅霈按部面詰應祥言饗應祥
懼賄以千金為霈舉奏遂罷職居二年兵部舉應祥
兼書南京右府兵科薛三才力持不可命遂獲二十
八年大征播州貴州總兵官董元鎮退邇不進總督
李化龍劾之薦應祥代時分兵八道貴州分烏江興
隆二道詔元鎮充為事官由烏江入而應祥由興隆

入先是諸道尅期二月望日進兵此應祥受事則已三月下旬副將陳寅等已連克數圍拒賊四牌高圍下別遣兵從間道直搗龍水圍他將蔡兆吉又自乾坪抵箐岡逼四牌賊首謝朝俸營其地四面峭壁深箐前為二關賊從高鼓譟而下官軍殊死戰斬獲甚多俸朝俸妻子乘勝直抵河畔會烏江賊書聞敎兵不進者旬日而應祥已受任趣諸將急渡寅等乃取他道渡河而潛為浮橋以濟師諸軍畢渡則賊衆失險乞降者相繼應祥悉受之賊所恃止黃灘一關層崖壁立賊聚衆死守會賊從石勝俸等率萬餘人來

降應祥責金立功取信勝俸曰去黃灘三十里有三
渡關入播門戶也先襲破之則黃灘孤立難守應祥
然其計令偕陳寅率精卒四千夜抵關下勝俸先以
數十騎賺開前門盡殲其戍卒黃灘賊懼益增兵固
拒寅督諸將渡河攻關之前而令勝俸由墳林暗渡
襲關後賊前後被敵大敗應祥遂直抵海龍因令諸
道兵共滅楊應龍還鎮銅仁明年改鎮四川既而播
道賊吳洪盧文秀等惡有司法嚴潛謀不軌而遵義
知縣蕭鳴世素失衆心洪等遂假稱應龍有子聚衆
為亂應祥偕副使傅光宅督兵捕之盡獲應祥尋卒

于官以平播功贈左都督世歷千戶應祥有胆智其
為將謀勇兼資故所至奏績而平蜀三大寇元泰調
度功亦為時所稱

陳璘字朝爵廣東翁源人嘉靖末為指揮僉事從討
英德賊有功進廣東守備與平大盜賴元爵及嶺東
殘寇萬曆初高要賊鄧勝龍作亂討平之又破平揭
陽賊及山賊鍾月泉累進署都指揮僉事僉書廣東
都司官軍之攻諸良寶也副將李誠立戰敗諸軍奪
氣制府殷正茂請假璘叅將得自將一軍果與諸軍
共平賊搜聲虔游擊將軍從高州叅將總督凌雲翼

將大征羅李先不令鵬勅璘所破凡九十寨俘斬無
算已分十道大征璘以一軍從信宜入會諸軍覆滅
之以其地置羅定州及東安西寧二縣卽遷璘副總
兵署東安泰將事未幾東西兩山餘孽復亂殺掠吏
民資璘戴罪辦賊璘僉他將朱文達攻破石牛青水
諸寨斬捕三百六十餘人授俸如故時東安初定璘
大興土木營建寺廟役及部卒且勒其出背卒咸怒
會他營自戍所還收商民物為哨官所讓奔黃玉執
哨官痛扶之遂偕亂群卒和之推玉為主縱掠旁近
州縣璘急懸賞購壯士擊斬玉及其黨百餘人餘賊

竄入廣西亦為官軍勦絕先是兵變聞璘坐奪官至
是得除罪十二年改狼山副總兵璘有謀畧善將兵
而所至貪贖為巡方御史所劾褫官永錮璘既被廢
朝士多惜其才不敢荐至二十年朝鮮用兵以璘素
熟倭情命添注神機七營叅將馳騎趣之至則改神
樞右副將無何擢署都督僉事充副總兵協守薊鎮
明年正月詔以本官統薊遼保定山東軍禦倭防海
日本封貢議起海上暫休兵改璘協守漳潮二郡坐
贈遺兵部石星為所舉奏獲罷歸二十五年封事敗
朝鮮再用師起璘故官統廣東兵五千赴援明年二

水權樂倭總兵官與麻貴劉綎各將一軍璘部卒次
山海關挾鉤鼓譟璘被脅讓尋令提督水軍與麻
貴劉綎董一元分道並進副將陳璘鄧子龍游擊馬
文煥李金張良相等皆屬馬兵萬三千餘人戰艦數
百艘分布忠清金羅慶尚諸海口互相應援先是賊
泛海出沒官軍乏舟楫竟無邀擊之者故賊益得志
至是戰艦傾運不絕賊益懼不復敢往來海中及平
秀吉死賊將遁璘喜曰吾屬賊賊收功在此舉矣
急遣鄧子龍偕朝鮮將李舜臣為前鋒邀之于龍遇
賊戰浹遠陳李金等軍至邀擊之賊本不習水戰

大無聞志官軍用火焚其舟賊大敗其脫走登岸者
又為陸兵所殲焚溺死者萬計時劉綬方攻行長驅
入順天大城璘以舟師協擊復焚其舟百餘十一月
石曼子引兵西援行長璘邀之半洋擊敗之曼子死
殲其徒三百餘餘賊退保錦山官軍挑之不出已渡
匿己山嵯深道險將士不敢進璘夜督兵潛入圍其
岩洞比明砲發賊大驚奔據後山憑高下擊將士殊
死仰攻賊復遁走璘分道追擊賊大敗投勅道孽無
一脫者以勦功璘為首綬次之責又次之進璘都督
同知世廕指揮食事師甫旋會有征播之役命璘為

湖廣總兵官督兵由偏橋進副將陳良玘別為一軍
由龍泉進并受璘節制二十八年二月軍次白泥楊
應龍于朝棟率衆二萬渡烏江迎戰璘發前哨禦之
而分左右兩翼潛躡其後兵甫交賊少挫即遁兩翼
兵追之賊棄營奔龍溪山合四牌賊拒敵四牌在江
外與江內七牌皆五司遺種九族惡苗素助賊為虐
璘預遣人招撫諸苗多來歸乃進軍龍溪會謀耆耨
有伏令游擊陳策統兵銜枚疾趨伏果四起策軍用
火器擊之賊奔高據險矢石雨下璘身先迎敵斬小
校先退者以徇一軍股栗扼總兵應龍等隨陣先登

賊大潰退四牌保兒圍璘達二裨將引軍逼之中伏
被圍璘急懸賞募死士應龍等直前奮擊內外合勢
賊復潰奔據固巔入夜由山後遁去黎明追及于袁
家渡賊逆聞復敗悉渡江遁四牌之賊遂盡三月督
軍萬餘營七牌野豬山伺官軍襲擊璘即勒兵夜發
次早抵苦練坪前鋒遇賊與戰後軍亦至夾擊之賊
敗逃入深箐官軍遂攻入苦菜園會重元鎮烏江師
敗璘軍大懼請退師制府李化龍不可璘乃進營楠
木橋四月次涓潭時賊悉聚青蛇長坎瑪瑙保子四
圍地皆絕險而青蛇尤甚璘議同日併攻則兵分力

弱止攻一國則三國相助乃先攻三國次及青蛇時
陳良玘師亦來會乃令取道至國後設伏別以一軍
守板角關防賊越逸而璘親督諸將力攻三日賊死
傷無算三國遂下青蛇勢孤但四面陡絕無路可上
璘遣兵圍其三面購死士從瑯瑤後附葛板崖竊至
青蛇山背舉砲為號賊惶駭諸軍進攻焚其茅屋賊
倉皇退入國內木石交下將士冒死板援而上斃其
木柵二重賊乘夜欲遁為官軍擊回時賊勢已窮璘
意至殺不主撫故賊致死堅守將士前後奔擊賊不
能走遂大敗斬首一千九百有奇七牌之賊亦盡乃

分兵六道攻克大小三渡關五月乘勝直抵海龍圍
下合諸軍進攻時諸將俱攻圍前獨水西安豫臣攻
其後相持四十餘日其下受賊重賄多與之通且潛
以火藥遺賊故賊但併圍前不併其後璘知之與監
軍者謀令彊臣退一舍而璘移營於其處置鉄牌百
餘接近賊圍相距止丈許賊强弩無所施又為竅板
於柵外賊初每夜出劫營至是為釘所傷不敢復出
應龍勢窮相聚而哭先是制府有令諸將分日進攻
六月六日璘與吳廣當進兵璘募死士以夜四更銜
枚直上賊柵新睡斬其守閤者更樹白幟鳴號砲賊

大驚潰散應龍自焚吳廣軍亦至賊盡平遂移師討
皮林皮林在湖貴交與九股苗壤相接山川險阻有
吳國佐者洪州司特洞寨苗也始祖曰奇兒洪武時
稱亂坑靖間誅死其後裔大榮居貴州亦以不軌誅
國佐其從子也桀黠無賴嘗游江淮通漢語略知文
義大榮死國佐收其妾黎平府持之惠國佐素往來
諸苗洞習其苗長苗彭舉尚馬等咸推服之至是遂
反自稱大皇上將其黨石篆太亦自稱太保與國佐
各攻上黃堡泰將黃冲霄等討之國佐偽降誘入伏
賊也冲霄走永從縣國佐進至城下殺士卒千餘人

淡水為赤崁守備張世忠焚其肉俾自啖世忠為不
絕口竟為賊所食遂縱掠北堡七十餘焚五開南城
陷永從園中潮所勢甚熾時方有播州之役未暇討
也至是偏沅巡撫江鐸命璘與陳良玘合兵進討良
玘失利敗益得志明年正月鐸移駐靖州命璘率副
將李遇文等分七道進璘軍擒苗苗銀貢等游擊宋
大斌攻破特洞苗據險不出將士縱火焚之多死國
佐逃天浦四十八寨復入古州毛洞追獲之石纂太
逃廣西上岩山指揮徐時達誘而縛之賊黨楊永祿
率衆萬餘范白冲游擊沈弘猷等督兵夾攻生獲永

祿諸苗悉平先是征播時璘使使至總督李化龍家
投以重賄會劉綎先遣使投賄為化龍父所揮璘使
聞而走化龍後疏于朝綎獲罪璘以賄未至門獲免
後兵部尚書田樂推璘鎮貴州給事中洪瞻祖遂劾
璘營求帝以璘東西積有戰功卒如樂議責東西二
路苗曰仲家苗盤踞貴龍平新之間為諸苗領袖在
水銀山介于銅仁思石者曰山苗紅苗之羽翼也自
平播後貴州物力大屈苗益生心剽掠無虛日巡撫
郭子章請于朝令璘督軍萬人攻水銀游擊劉岳鰲
宣慰安疆臣軍萬人攻西路並克之乃令璘移營新

添獨攻東谷璘出奇鼓勇復克之生獲苗苗十二人
斬首三千餘級招降者萬三千餘人部內遠靖三十
四年改鎮廣東平官先是叙平播功加璘左都督世
廕指揮使既卒以平苗功贈太子太保再廕百戶
馬孔英者宣外塞外降丁也積戰功為寧夏泰將萬
曆二十年李拜反引河套賊入寇孔英屢擊敗之旬
是賊歲犯邊孔英拒戰並有斬獲卜失兔之入下馬
関也孔英從麻責邀擊大獲進本鎮副總兵二十四
年秋着力克寧僧連兵犯平南橫城孔英偕泰將鄧
鳳率銳師力戰賊大敗斬首二百七十有奇孔英賜

金幣命侯大將缺推用兵部以孔英降人用為邊帥
無以示外蕃且噶拜新以降人叛乃擢署都督僉事
以總兵官蒞舊任尋以閩事叙勞進秩為真二十七
年着宰二首復犯平鹵及興武孔英與杜桐等分道
追襲大敗之亡何賊再入又擊敗之明年大征播州
楊應龍詔發陝西四鎮兵令孔英將之以往時兵分
八道孔英所入南川道獨險遠去應龍海龍岡可六
七百里方孔英未至時重慶推官高折枝監紀軍事
請獨當一面乃與叅將周國柱先以石砭宣撫馬千
乘兵破賊金筑復督酉陽宣撫冉御龍敗賊于官壩

二月孔英至軍平茶邑梅兵亦集軍容甚壯乃先師
期一日督諸軍入真州卽用其土官鄭葵路麟為鄉
導別遣邊兵千人扼明月關靖運道諸軍遂數行而
前連破賊四寨十七日次赤崖自崖抵清水坪封寧
關賊連營十數列兵固守官軍分道進擊悉破之直
逼桑木關而營關內民聞大軍至扶老攜幼而降者
日以千計折枝結三大砦處之下令殺人者死掠財
物者還主自是降者日衆賊勢益孤是關為賊要害
山險菁深賊憑高下拒官軍怯于仰攻乃令千乘以
一軍出關左御龍以一軍出關右國柱以一軍獨搗

其中賊用標鎗藥矢鼓譟而來鋒銳甚官軍殊死力
戰賊不能支遂披靡官軍乘勝奪關遂北至風坎關
賊復大敗再破九杆黑水諸關苦竹羊崖銅鼓諸寨
國柱遂進攻金子壩賊無一人國柱疑有伏焚其空
砦十九嚴兵以待亡何賊果從溝箐突出擊敗之孔
英乃留王之翰兵守白土臺衛饒道平茶邑梅兵守
桑木關而親提大軍進營金子壩應龍關桑木關破
大懼達弟世龍及心腹楊珠以銳卒劫之翰營之翰
走殺饒卒無算平茶兵聞警來援賊始退孔英乃還
軍擊世龍戰復不勝會卻卒連發火矢裨將劉勝復

從旁奮擊賊乃敗奔官軍進營胡山口由胡山至數
于橋深箐翳翳賊處處設伏悉為官軍勦平應龍益
懼遣心腹數輩詐降謀為內應折枝得其情盡收斬
之而伏兵以待夜半楊珠果率眾劫營伏發賊驚潰
連奔至高坪已奪賊營馬城直抵海龍第二關下海
龍為賊渠巢穴地益險賊守兵益多孔英軍已深入
而諸道未有至者酉陽兵慮勢孤先退延綏兵亦退
賊躡之殺官兵六十人居數日劉綏兵亦至乃合兵
連克海崖海門諸關賊走保固上竟致屢城初總督
李化龍既起師期諸將莫利先入孔英所將盡遣兵

及諸土兵又皆獲悍而監紀折枝智勇有謀故進師
獨先既八道並圍海龍諸將以圍後易攻爭走其後
孔英獨以一軍壁閑前卒致賊黨盡縛無一脫者錄
功進都督同知世廕千戶久之以總兵官鎮貴州罷
歸卒孔英起降夷南征北討並著戰功居官不謹飭
解時論多之

吳廣廣東人以武生從軍累著戰功歷廣東游擊將
軍福建南路叅將坐事罷歸會岑溪楊反總督陳大
科檄廣從總兵董元鎮討之賊據山為巢發矢如雨
將士少却廣手斬一卒以拘衆競奮遂大破之論功

優故官萬戶二十五年以副總兵從劉綎禦倭朝鮮
廣領水軍與陳璘相犄角倭斬甚衆甬班師時議大
征播州擢廣總兵官以一軍出令江副將曹希彬以
一軍出永寧受廣節度明年二月兩軍並進廣結大
營于二郎壩大行招徠賊帥郭通緒者最驍悍聞官
軍至統群苗迎敵將士乘其營壘未定夜襲之群苗
奔潰由是陶洪安材羅材三砦土官各率部下出降
他部聞風相繼來歸者數萬人廣擇其壯者從軍軍
聲益振三月朔通緒遣兵扼穿崖圍阻官軍廣督土
漢軍四面合擊破之是時劉綎馬孔英兩軍已入播

境而廣猶頓兵二部不進總督李化龍趣之乃議進
攻崖門分兵四哨齊進別遣永寧女土官奢世績等
督羿兵二千扼桑木垵諸要害以防饋道既而諸將
進軍且戰且撫連破數囤是月晦遂進營毋錯塘楊
應龍聞之懼令通緒盡發閩外兵拒敵廣潛令砲手
五百伏磨搶垵外南岡下而遣裨將趙應科引兵挑
戰垵兩山相夾中甚隘通緒无兵其間至是飛馬橫
梁直衝應科應科佯北通緒追出垵遇伏急旋馬中
砲墜通緒方躍上他馬伏兵攢刺之殪餘賊大奔官
軍乘勝遂北城既失主盡降官軍遂進薄崖門崖門

徑小止客。騎四月朔賊擁衆萬餘出關拒戰希彬
懸賞千金士爭奮攀崖競進賊敗走追至第四關關
上男婦盡哭於是賊黨自殺其魁羅世恩率萬餘人
出降其第一關猶拒守不下廣乘夜銜枚疾進至則
守者猶新睡遂奪其關關內民爭獻牛酒迎降時刻
綏馬孔英雄已入關李應祥陳璘諸軍猶在關外廣
令希彬軍連戰紅碗水土崖分水關諸處皆捷遂進
營水牛塘應龍大懼知廣孤軍深入謀欲襲之乃遣
人詐降廣測其詐堅壁以待俄應龍擁衆三萬直衝
大營諸將殊死力戰呼聲蔽地會他將以兵來援賊

知不敵引退廣遂與諸道軍進逼海龍國賊益懼詭
令婦人乞降哭于國上又詐報應龍仰藥死督府不
信獨廣信之已覘知其詐急攻之燒第二關奪三山
絕賊樵汲賊益窘旋與陳璘從圍後登應龍急自焚
死獲其子朝棟及妻田氏出應龍屍烈焰中廣中毒
矢斃絕而後越遂以本官鎮四川踰年卒初廣之頓
兵二部也有言其受賄養寇者詔誦充為事官立功
自効後論功贈都督同知世廕千戶

童元鎮桂林右衛父萬曆中為指揮從討平樂剿賊
莫天龍有以累遷將擊將軍高汝鑑反從太師討賊

朋破平之。至永寧得梧泰將進副總兵十九年擢署
都督僉事為廣西總兵官未幾改廣東二十三年總
督陳大科以元鎮熟知蠻事仍移廣西岑溪西北為
上下七山介蒼藤間有千田黎峒白板九寨等三十
七寨東南為十三山有九亮陀田桑園古欖魚修等
百餘寨與廣東羅旁相聯絡其地山高徑仄菁深木
茂環數百里無日色賊首潘積善等據之久為民患
及羅旁平積善懼而乞降為設泰將于大峒統兵千
餘戍之其後將領多搭克士卒又疲弱不堪用賊復
生心時出剽掠會歲饑粵東亡命浪賊數百人潛入

七山誘諸徭為亂勢益猖獗元鎮先以叅將成岑溪
得諸徭心至是積善及其黨韋月成願招撫自効六
十三山諸徭多受約束有訛言將勦北科徭者諸徭
謂官家紹已大恨遂與孔亮山賊攻月殺之火大峒
叅將署督撫陳大科戴耀屬元鎮討之時副將陳璘
叅將吳廣方罷官里居大科起令將兵與元鎮並進
賊見兵至伐大木塞道環布箠簦元鎮佯督軍開道
而潛從小徑上孔亮山賊憑高疾鬪弩矢雨下諸軍
用火器攻之賊潰敗諸將疾追大破之俘馘千五百
有奇餘招撫復業元鎮以功增秩賜金會日本破朝

鮮廷議將由浙閩泛海直搗其巢牽制之乃改元鎮
浙江既而事寢移鎮貴州二十八年李化龍大征楊
應龍令元鎮督永順鎮雄泗城諸土軍由烏江進元
鎮在粵西頗有時名及是心憚應龍久駐銅仁不進
督府屢趣之乃啓行時劉綎吳廣諸軍已進群賊議
分兵固守獨叅謀孫時泰曰兵分則力薄不若乘官
軍未集從其弱者先破之餘自退矣應龍善之及聞
元鎮發烏江應龍喜曰此易與耳謀縱之渡江密以
計取監軍按察使楊寅秋言烏江去搗不遠宜俟諸
道深入協力奔驅元鎮不從於是永順兵先奪烏江

賊遣千餘人沿江叫罵以誘之諸軍既濟復奪老君
閣前哨叅將謝崇爵乘勢督泗城雲南兵再拔河渡
閏三月望賊果以步騎數千先衝雲南軍軍中驅象
出戰賊多損傷俄駕象者斃象反走擲火器者又誤
擊己營陣亂泗城兵先走崇爵所部亦走爭浮橋橋
斷殺溺死者數千人河渡既敗烏江軍相去六十里
猶未知明日叅將楊顯發永順兵三百人出哨道遇
賊數萬咸為水西軍衣裝永順兵不疑其偽反與盟
誓且互更旗幟賊遂掩殺三百人亦襲其衣裝直趨
烏江烏江軍信為水西永順軍不設偽偽遂為賊所

破爭先渡江賊已先斷浮橋於是數千人皆溺死楊
顯及二子與馬元鎮所部共三萬人存者不及十一
將校止崇爵等三人江水為之不流貴陽聞警居民
盡奔避入城遠近震動化龍怒崇爵失律用尚方劍
斬之再徵調益軍急徵鎮雄土官龍澄邀賊歸路龍
澄者即安克臣水西安疆臣同產弟也其軍不與元
鎮合故獨全而當事頗疑其通賊寅秋以鎮雄去播
止二日程令其搗巢立効澄許之先河渡未敗時澄
已遣部將劉岳王嘉猷攻拔苦竹關及半壩鎮暨敗
報聞二將移營新站賊伏兵大水田別以五千人來

襲敗還嘉猷乃揚聲搗大水田而潛以一軍取問道
拔大夫關直抵馬坎斬賊歸路與疆臣合軍賊遂退
通會都指揮徐成將續調軍至合泗城土官岑紹勳
兵再克河渡關軍聲復振賊將張守欽袁五受據長
箐萬丈林拒守永順兵擊破之進攻長箐生擒守欽
攻清潭洞復擒五受賊大奔會朝議責元鎮敗狀令
李應祥并將其軍遂合水西鎮雄諸部直抵海龍關
賊竟覆滅先是兵初興督府劾元鎮違詔誦為事
官立功自効及是論獲軍遠至京下吏罪當死法司
援其前岑溪功得謫戍煙瘴尋遇赦廣西巡撫戴燭

為之請部議不許竟卒於戍所

論曰炎荒瘴癘之區絕壑懸崖杳無天日一旦提孤
軍深入搜其他場而盡殲之亦匪易事也諸臣委身
戮力僅而得當及事定功成書生則持文墨以議其
後微獨叙賚罕行抑且譴訶橫及於是勞臣喪氣壯
士灰心又何恠乎迨一朝有急則又檄而任之任之
未終而挫折如故甚且鄙夷若奴隸疾惡等仇讎未
縛牽掣惟恐不即敗衄以快其私者食人之祿分人
之憂義固當如是耶古人不以一青掩大德二卵棄
千城瑕瑜相兼詐貪可使何為如是其恢恢也俯仰

所衡明室為烈陵夷不競抑又何疑乎